



Broj: 04-1954-2/17  
Datum: 04.12.2017. godina

Na osnovu člana 44. tačke 5. Zakona o zapošljavanju i pravima za vrijeme nezaposlenosti Brčko distrikta BiH "Službeni glasnik Brčko distrikta BiH" broj 33/04, 19/07 i 25/08 i člana 26 tačka a) Statuta Zavoda za zapošljavanje Brčko distrikta BiH – prečišćen tekst (br.04-139/16, 04-1026/16 i 04-1810/16) i člana 17 stav (2) Pravilnika o mjerama za podsticaj zapošljavanja – prečišćen tekst (br.04-1409/16 i 04-1013/17), a u skladu s Odlukom Vlade Brčko distrikta BiH o usvajanju Programa samozapošljavanja na području Brčko distrikta BiH u 2017. godini, broj: 48-000919/17 od 01.11.2017. godine, Upravni odbor Zavoda za zapošljavanje Brčko distrikta BiH, na svojoj 54. redovnoj sjednici održanoj dana 01.12.2017.godine, donosi odluku o usvajanju i objavi

## JAVNOG POZIVA

### za prijavu na Program samozapošljavanja na području Brčko distrikta BiH u 2017. godini

#### 1. CILJ JAVNOG POZIVA

Javni poziv ima za cilj realizaciju Programa samozapošljavanja Vlade distrikta BiH, na području Brčko distriktra BiH u 2017. godini, kao doprinosa privrednom razvoju kroz stvaranje uslova za samozapošljavanje i podizanje preduzetničkog duha, na području Brčko distrikta BiH.

#### 2. KORISNICI PROGRAMA IZ JAVNOG POZIVA

(1) Korisnici Programa mogu biti nezaposlena lica koja ispunjavaju opšte kriterije iz ovog Javnog poziva, a koja su prošla obuku koja je organizovana po Programu samozapošljavanja u 2014., 2015. i 2016. godini i/ili uspješno prođu edukaciju iz oblasti preduzetništva po Programu samozapošljavanja u 2017.godini.

(2) Odjeljenje za privredni razvoj, sport i kulturu (u daljem tekstu: Odjeljenje) obezbijediće organizaciju i izvođenje edukacije za aplikante/korisnike Programa navedene u poglavlju 2. tačka (1) ovog Javnog poziva.

(3) Opšti kriteriji za izbor kandidata iz poglavlja 2. tačka (1) ovog Javnog poziva su:

- Da lice ima prijavljeno prebivalište na području Brčko distrikta BiH najkraće od 31.12.2013.godine (provjere vrši Zavod za zapošljavanje Brčko distrikta BiH (u daljem tekstu: „Zavod“) kod nadležnog organa, službenim putem;
- Da se vodi na evidenciji Zavoda, kao lice koje aktivno traže zaposlenje, (provjeru vrši Zavod kroz evidenciju lica – lica su u obavezi da budu na evidenciji lica koja aktivno traže zaposlenje, i dalje kako bi ispunjavala navedeni kriterij, do okončanja aktivnosti po ovom javnom pozivu), **izuzev lica iz poglavlja 2. tačka (4) ovog Javnog poziva;**
- Da lice pokreće djelatnost iz oblasti proizvodnje, poljoprivrede (osim područja „A“ 01-03 Poljoprivreda, šumarstvo i ribolov – po Klasifikaciji djelatnosti) zanatstva i usluga (osim trgovine i ugostiteljstva).

(4) Korisnici Programa mogu biti i lica koja su registrovala poslovnu djelatnost u 2017.godini.

Opšti kriteriji za izbor kandidata iz poglavlja 2. tačka (4) ovog Javnog poziva su:

- Da lice ima prijavljeno prebivalište na području Brčko distrikta BiH najkraće od 31.12.2013.godine;
- Da se lice prije registracije djelatnosti vodilo u evidenciji lica koja aktivno traže zaposlenje u Zavodu, **izuzev lica iz poglavlja 2. tačka (4) ovog Javnog poziva;**
- Da lice pokreće djelatnost iz oblasti proizvodnje, poljoprivrede (osim područja „A“ 01-03 Poljoprivreda, šumarstvo i ribolov – po Klasifikaciji djelatnosti) zanatstva i usluga (osim trgovine i ugostiteljstva).



(5) Broj lica koja će biti obuhvaćena ovim Programom biće usklađen sa raspoloživim sredstvima.

### 3. LICA KOJA NE MOGU UČESTVOVATI U PROGRAMU

(1) U programu ne mogu učestvovati:

- lica koja imaju suvlasničke dijelove u firmama,
- članovi upravnih i nadzornih odbora u javnim preduzećima i javnim ustanovama,
- lica protiv kojih se vodi krivični postupak,
- lica mlađa od 18 godina,
- lica ili članovi njihovog domaćinstva (suprug/supruga, djeca ili roditelji) koja su već koristila sredstva po programu samozapošljavanja, osim u slučaju da je ugovor o samozapošljavanju istekao i da lice koje ostvari podsticajna sredstva po ovom programu neće obavljati istu djelatnost koju je obavljalo, to jest onu koju je obavljao neko od članova njegovog domaćinstva i za istu, takođe, ostvario podsticajna sredstva;
- lica koja su u periodu od 12 mjeseci prije objavljivanja javnog poziva odjavila registrovanu djelatnost (podaci će biti provjereni službeno, korespondiranjem sa nadležnim organom).

(2) Kriteriji navedeni u poglavlju 3. tačka (1) su eliminatorskog karaktera i zahtjevi koje podnesu navedena lica se neće uzimati u razmatranje.

### 4. SREDSTVA ZA REALIZACIJU PROGRAMA

(1) Ukupan iznos sredstva za realizaciju Programa u iznosu od 750.000,00 KM obezbijeđen je:

- iznos od 500.000,00 KM Budžetom Brčko distrikta BiH za 2017. godinu, u Odjeljenju za privredni razvoj, sport i kulturu na ekonomskom kodu 614312 „Grant Zavodu za zapošljavanje Brčko distrikta BiH ( za podsticanje samozapošljavanja)“;
- iznos od 250.000,00 KM iz sopstvenih sredstava Zavoda za zapošljavanje Brčko distrikta BiH ( sredstva koja su ostala neutrošena za različite programe iz prethodnih godina i nalaze se na računu Zavoda, a za ista je data saglasnost Zavodu, Zaključkom Vlade Brčko distrikta BiH broj : 13-001504/17 od 25.09.2017. godine, da isti utroši za realizaciju Programa samozapošljavanja u 2017. godini ).

(2) Sredstva za realizaciju Programa se dijele na sljedeći način:

- sredstva u iznosu od 80% su namijenjena za aplikante iz poglavlja 2. tačka (1) Javnog poziva,
- sredstva u iznosu od 20% su namijenjena za aplikante iz poglavlja 2. tačka (4) Javnog poziva.

Ukoliko sredstva po jednoj od predloženih lista ne budu u cijelosti utrošena, ista se mogu preusmjeriti na listu za koju postoji veće interesovanje aplikanata.

### 5. REALIZACIJA PROGRAMA

Program će biti realizovan:

- Javnim pozivom, koji je integralan što podrazumijeva da se prijavom na javni poziv aplikanti ( nezaposlena lica koja se nalaze na aktivnoj evidenciji Zavoda ) prijavljuju i na obuku iz oblasti preduzetništva s ciljem osposobljavanja za pripremu i izradu poslovnog plana, nakon koje slijedi izbor aplikanata koji imaju najbolje poslovne ideje razrađene poslovnim planom;



- (2) Lica iz poglavlja 2 tačka (4) kao i lica koja su završila obuku u prethodnim godinama ( koja su prošla obuku koja je organizovana po programu samozapošljavanja u 2014., 2015. i 2016. godini ), moraju se prijaviti na javni poziv ( ukoliko žele učestvovati na istom ) ali nemaju obavezu da prisustvuju obuci iz oblasti preduzetništva;
- (3) Zavod će aplikante obavijestiti o terminu održavanja edukacije, koja će trajati 9 dana ( tri modula po tri dana), isključivo putem web-stranice Zavoda;
- (4) Aplikanti imaju obavezu da, nakon sprovedene obuke, u roku od sedam dana, dostave poslovni plan Zavodu;
- (5) Aplikanti iz poglavlja 2. tačka (4) ovog Javnog poziva, kao i lica koja su završili/a obuku u predhodnim godinama, takođe imaju obavezu da dostave poslovni plan u roku od sedam dana od završetka edukacije aplikantata prijavljenih na ovaj Javni poziv;
- (6) Komisiju za ocjenjivanje će činiti dva predstavnika Odjeljenja i jedan predstavnik Zavoda;
- (7) Komisija je dužna da, u roku od (trideset) 30 dana, nakon dostavljanja poslovnih planova, razmotri i rangira prispjele aplikacije prema kriterijima koji će se vrednovati u rasponu od 15 do 30 bodova ;
- (8) Kriteriji na osnovu kojih će se vrednovati aplikacije su:
  - a) Značaj projekta i njegov doprinos poboljšanju uslova za razvoj konkurentnosti, inovacija i preduzetništva – ocjena poslovne ideje;
  - b) Vrsta djelatnosti;
  - c) Doprinos projekta stvaranju uslova za zapošljavanje i mogućnost dodatnog zapošljavanja u naredne dvije godine;
  - d) Ocjena biznis plana;
  - e) Obezbijeđeno sufinansiranje projekta iz sopstvenih i drugih izvora kako novčano tako i materijalno;
  - f) Obezbijeđena ekonomičnost projekta – održivost projekta;
  - g) Sporazumi, predgovori za saradnju i posao, postojanje tržišta za djelatnost kojom se namjerava baviti.
- (9) Na osnovu navedenih kriterijuma, Komisija je dužna da kreira obrazac za vrednovanje pristiglih poslovnih planova.
- (10) Prije donošenja preliminarne liste, Komisija je dužna da izvrši obilazak aplikantata koji su ušli u uži izbor.
- (11) Komisija sačinjava prijedlog liste o rangiranju aplikantata iz poglavlja 2. tačka (1) i liste iz poglavlja 2. tačka (4) ovog Javnog poziva, koje objavljuje na oglasnoj tabli Zavoda i web-stranici Zavoda. Liste sadrže ime i prezime aplikanta, broj bodova i predložene iznose, a na predložene liste se može uložiti prigovor u roku od sedam dana od dana objavljivanja.
- (12) Prigovor se podnosi Upravnom odboru Zavoda putem protokola Zavoda.
- (13) Nakon donošenja konačne odluke po prigovoru/ima, Komisija utvrđuje konačne liste rangiranih kandidata.
- (14) Nakon donošenja konačnih lista rangiranih kandidata, Zavod zaključuje ugovor o dodjeli novčanih sredstava za finansiranje po Programu samozapošljavanja u Brčko distriktu BiH.
- (15) Iznos sredstava po jednom projektu za aplikanta iz poglavlja 2. tačka (1) ovog Javnog poziva ne može prelaziti iznos od 15.000,00 KM (slovima: petnaest hiljada konvertibilnih maraka), a za aplikante iz poglavlja 2. tačka (4) ovog Javnog poziva iznos od 10.000,00 KM (slovima: deset hiljada konvertibilnih maraka).
- (16) Aplikanti koji podnose prijavu na Javni poziv za prijavu na Program samozapošljavanja na području Brčko distrikta BiH u 2017. godini, uz istu prilažu izjavu o ispunjavanju uslova iz Javnog poziva.

## 6. NAMJENA ODOBRENIH SREDSTAVA

- (1) Sredstva po ovom Programu, korisnicima sredstava mogu biti odobrena za :
  - a ) nabavku opreme u 100 % iznosu od odobrenog iznosa
  - b ) troškove zakupa i uređenja poslovnog prostora u iznosu koji ne prelazi 30% odobrenog iznosa
  - c ) nabavku repromaterijala u iznosu koji ne prelazi 30% odobrenog iznosa,



d) ostalo ( sitan alat, certificiranje i sl. ) u iznosu koji ne prelazi 40 % odobrenog iznosa

(2) Sredstva po ovom Programu se ne mogu koristiti za upis u sudski registar preduzeća.

## 7. ISPLATA ODOBRENIH SREDSTAVA

(1) Zavod može, nakon upisa u sudski registar i zaključivanja ugovora, odabranim korisnicima isplatiti 30 % odobrenog iznosa, a preostali iznos nakon pravdanja odobrenih sredstava dostavljanjem odgovarajuće dokumentacije.

## 8. OBAVEZE KORISNIKA SREDSTAVA

(1) Saglasno članu 8 Programa samozapošljavanja na području Brčko distrikta BiH u 2017. godini, te člana 26 Pravilnika Zavoda o mjerama za podsticaj zapošljavanja, korisnici programa su dužni/saglasni sljedeće:

- a) korisnici Programa iz poglavlja 2. tačka (1), ovog Javnog poziva, da dvije godine poslije datuma izdavanja sudskog rješenja o osnivanju poslovnog subjekta, aktivno obavljaju djelatnost za koju su registrovani, što se odnosi i na korisnike Programa iz poglavlja 2. tačka (4), ovog Javnog poziva da, takođe, dvije godine poslije potpisivanja ugovora sa Zavodom, aktivno obavljaju djelatnost za koju su registrovani
- b) redovno izmiruju obaveze po osnovu poreza i doprinosa,
- c) korisnici Programa iz poglavlja 2. tačka (1), ovog Javnog poziva, dvije godine poslije datuma izdavanja sudskog rješenja o osnivanju poslovnog subjekta, kao i korisnici Programa iz poglavlja 2. tačka (4), ovog Javnog poziva, dvije godine poslije potpisivanja ugovora sa Zavodom, ne mogu biti prijavljeni na evidenciju Zavoda, niti ostvariti bilo koje pravo po osnovu nezaposlenosti, osim u slučaju da korisnik izvrši povrat sredstava koja je dobio po ovom Programu.
- d) ukoliko korisnik sredstava ne ispoštuje ugovorene obaveze, neće moći učestvovati u programima zapošljavanja koji se finansiraju iz Budžeta Brčko distrikta BiH u narednih pet godina,
- e) Zavod će, u skladu sa Zakonom o finansijskom poslovanju Brčko distrikta BiH, ugovoriti da mu korisnik sredstava preda 5 ( pet ), ovjerenih i potpisanih, bjanko virmana,
- f) ukoliko korisnik sredstava ne ispoštuje ugovorene obaveze, ima obavezu da vrati cjelokupan iznos dobijenih sredstava.

## 9. ROK ZA PODNOŠENJE ZAHTJEVA

(1) Javni poziv počinje teći od 05.12.2017. godine i završava se 20.12.2017. godine, i biće objavljen na web stranici Zavoda.

(2) Tekst Javnog poziva i prijavu sa priložima zainteresovana lica mogu preuzeti sa Web stranice Zavoda zzzbrcko.org ili u Zavodu, lično.

(3) Prijave po ovom Javnom pozivu podnose se u prostorijama Zavoda, u kancelariji broj 1.

(4) Dodatne informacije mogu se dobiti u Zavodu za zapošljavanje lično ili na telefon broj: 049/217-411.

(5) Nepotpune i neblagovremeno dostavljene prijave neće biti uzete u razmatranje.

(6) O rezultatima Javnog poziva aplikanti će biti obaviješteni putem Web stranice Zavoda.

Predsjednik Upravnog odbora

/ Ljubomir Maratović, dipl. politikolog /